


Bibel fa Kjinja

brinjt junt



Simson,
Gott sien
stoakja
Maun



Jeschräwen von: Edward Hughes
Jemolt von: Janie Forest; Alastair Paterson
Toom Pauss jestalt von: Lyn Doerksen
Äwasat von: Ed Zacharias
Hääjestalt von: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2022 Bible for Children, Inc.

Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.


1

Lang trigj läwd doa en Israel een Maun, dee heet
Manoach. Hee un siene Fru hauden kjeene Kjinja.
Een Dach kjeem Gott sien Enjel no
de Fru, un säd, "Jie woaren
een Bäbe haben, een
besondret Kjint."




2


See vetald äaren Maun daut. Manoach bäd, "Oba Har, ... komm wada no ons. Lia ons waut wie met däm Jung doonen sellen."



3



De Enjel säd, daut daut Kjint nich darf de Hoa jeschnäden, daut hee nich stoakjet drinkjen un bloos jewesset äten sull. Gott haud dit Kjint jewält aus een Rechta toom Israel leiden.



4




Gott sien Volkj fäld Help. See deeden waut Gott schljacht jefoll, un läwden unja de Jewault von de Filista, äare Fiend. Aus see Gott aunbäden, hieed hee an, un schekjt dit Bäbe, daut hee wudd de stoakjsta Maun sennen.

5

"De Fru brocht eenen Sän to Welt un nand am Simson. Un de Jung woss opp un de Har säajend am. Un däm Harn sien Jeist funk aun am notodriewen." Simson wia sea stoakj. Een Dach kjeem am een junga Leiw entjäajen, un hee schauft däm auf, met siene kole Henj!



6



Lota schmakjt Simson Honnich, woont Bieen mank de Knoakes vom Leiw jemoakt hauden. Simson muak een Rotsel doarut: "Vom Fräta kjeem Fräten; vom Stoakjen kjeem Seetet." Kjeena kunn sajen waut daut meend, oba Simson siene Fru, een Filista, säd äare Frind. Dit muak Simson sea doll.


7

Simson wort noch dolla aus see am siene Fru wajchneemen un eenen aundren dee jeewen. Woo sull hee sikj rajchen? Hee jreep 300 Fass un bunk emma twee de Zääjel toop un stuak eenen Fiastock em Knoppen.




8

Simson leet de Fass derch de Filista ääre Stapen ranen.




9

Nu wullen de Filista am trigj tolen. Simson leet sikj faust-nämen, binjen un no de Filista äwajäwen.



10

Oba däm Harn sien Jeist kjeem äwa am. Hee reet de Strenj zwei, neem eenen freschen Äsel Bakknoaken un schluach doamet 1000 Filista doot.



11

De Filista sochten no Simson. Eene Nacht hauden see am en eene Staut faust. See veschlooten aule Puats rom de Staut. Oba Simson hoof daut Puat opp sienen Schulla un druach daut wieda.



12

Simson wia Gott nich emma jehuarsom. Gott holp am stoakj sennen wan hee jehorcht. Een Dach vetald hee Delila, eene schmocke Filista Mejal, waut am stoakj muak. See leet Simson siene Hoa aufschnieden aus hee schleep.



13

Aus de Filista Soldoten am wullen faust nämen, wääd hee sikj, oba nu wia hee nich stoakj. De Fiend stuaken am de Uagen ut. Blint un schwak, soo must Simson een Sklow fa de Filista woaren. See lachten un spotten äwa Gott sien Deena.




14

De Filista hadden een Fast. See lowden äären Fesch-Gott, Dagon, daut hee an Simson enne Henj jejäft haud. See soopen un jubelden en Dagon sien Tempel. See holden Simson toom an waut väamoaken.



15

Een Jung leid Simson nenn un leet am sikj aun de groote Stendasch hoolen. Doa wieren 3000 Filista opp een Dak, un väle mea em Tempel un muaken sikj lostich äwa am. Oba Simson siene Hoa wieren een



jewesset trigj-jewossen. Hee bäd, "Har Gott, jeff mie noch eenmol miene Krauft trigj, daut ekj mie rajchen kaun fa miene twee Uagen."

16

Holp Gott Simson noch eenmol? Wudd hee daut kjennen? JO! JO! Simson ständ un jescht un bruak de groote Stendasch dol. Dagon sien Tempel bruak gauns toop un brocht dusende Filista om, un uk Simson.



17

Simson, Gott sien stoakja Maun

Eene Jeschicht von en daut Wuat Gottes, de Bibel

finjt eena en

Rechta 13-16

"Wan dien Wuat openboat woat, jeft daut Licht." Psalm 119:130

18

Daut Enj

14



60

19

Dise Biblische Jeschicht sajcht ons von onsen wundascheenen Gott, see ons jemoakt haft un ons well kjanenlieren.

Gott weet daut wie schljachtet jedonen haben, waut hee Sind nant. De Strof fa Sind es de Doot, oba Gott siene Leew fa ons es soo groot, daut hee sienen eensjen Sän, Jesus, schekjt, daut hee aum Kjriez stoawen sull un de Strof fa onse Sind nämen sull. Dan stunt Jesus vom Doot opp, un fua no sien Tus em Himmell! Wan du dän Gloowen aun Jesus hast, un am frajchst diene Sind to vejäwen, dan deit hee daut! Hee kjemt dan un läft en die, un du wascht opp emma met am läwen.

Wan du dit jleewen kaust, dan saj to Gott: Leewa Jesus, ekj jleew daut du Gott best, un worscht een Mensch toom fa onse Sind to stoawen, un daut du nu wada läfst. Komm en mien Läwen un vejeff mie miene Sinden, soo daut ekj nu niet Läwen haben kaun, un noch emol opp emma no die kom. Halp mie daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

20